

BOSNA I HERCEGOVINA  
FEDERACIJA BOSNE I HERCEGOVINE  
PARLAMENT FEDERACIJE  
DOM NARODA  
Broj: 02-02-1438/13  
Sarajevo, 19.12.2013. godine

**Z A P I S N I K**  
**20. SJEDNICE DOMA NARODA PARLAMENTA FEDERACIJE BOSNE I  
HERCEGOVINE, održane 19.12.2013. godine**

Sjednica je počela u 11.44.

Sjednici je predsjedavao Tomislav Martinović, predsjedavajući Doma naroda Parlamenta Federacije BiH.

Predsjedavajući je pozdravio delegate, predstavnike Vlade Federacije i predstavnike akreditiranih medijskih kuća koji prate rad sjednice.

Izostanak sa sjednice su opravdali sljedeći delegati: Nikola Simić, Jasmin Smailbegović, Zora Dujmović, Mirjana Malić, Daliborka Milović i Esed Radeljaš.

Na osnovu evidencije Stručne službe, predsjedavajući je konstatovao da sjednici prisustvuje 35 delegata, što čini većinu, te Dom naroda može raditi i punovažno odlučivati.

Nakon toga, predsjedavajući je stavio na glasanje Zapisnik 19. vanredne sjednice Doma naroda i konstatovao da je Dom naroda, bez primjedbi (35 glasova za i jedan glas protiv), usvojio Zapisnik 19. vanredne sjednice Doma naroda, održane 6.12.2013. godine.

Predsjedavajući je podsjetio delegate da na osnovu člana 104. Poslovnika o radu Doma naroda mogu postavljati delegatska pitanja i pokretati inicijative, te izraziti nezadovoljstvo dobijenim odgovorom.

**Delegatska pitanja i inicijative**

**Sretko Radišić** pozvao je predsjedavajućeg i potpredsjedavajuće da utiču na Federalno ministarstvo rada i socijalne politike da dostavljaju odgovore na postavljena delegatska pitanja i inicijative.

**Ivo Divković** uputio je pitanje Federalnom zavodu za penzijsko i invalidsko osiguranje a koje glasi: ko je odgovoran i dužan da razriješi pitanje zdravstvenog osiguranja zaposlenika po odlasku u penziju prije nego što im se uradi rješenje o penziji?

**Drago Puzigaća** upitao je premijera Federacije Nermina Nikšića zašto općinama Drvar i Bosansko Grahovo nije uplaćen finansijski pripadajući iznos od privatizacije preduzeća sa područja tih općina.

**Senahid Šaković** uputio je pitanje Federalnom ministarstvu okoliša i turizma koje se odnosi na to ko vrši nadzor po izdatim okolišnim dozvolama u ime resornog ministarstva, na koji način i da li postoje odgovarajući izvještaji. Zamolio je da mu se dostave ti izvještaji i zatražio od resornog ministarstva da analizira rok koji je bio dat za okolišne dozvole, a to je 31.12.2011.

**Aner Žuljević** je postavio pitanje specijalnom predstavniku Evropske unije Sorensenu u vezi sa njegovom komunikacijom sa potpredsjednikom Federacije koja se odnosi na set antikorporacionih zakona.

**Josip Perić** postavio je dva pitanja. Prvo pitanje je uputio potpredsjedniku Federacije Mirsadu Kebi u vezi sa doniranjem 10.000 KM za rješavanje porodice Čičak Šišić. U vezi sa tim pozvao je nadležne institucije da utvrde imovinskoppravne odnose u ovom slučaju.

Drugo pitanje uputio je Federalnom ministarstvu poljoprivrede, vodoprivrede i šumarstva a glasi: iz kojih razloga nije potpisan ugovor kada je završen tender za provođenje radova na rekonstrukciji vodonatapnih kanala u Širokom Brijegu, odnosno Hutovom blatu.

**Marko Bosnić** uputio je pitanje Federalnom ministarstvu raseljenih lica i izbjeglica koje se odnosi na to koliko porodica povratnika na području Federacije živi bez električne energije i koliko je potrebno sredstava da bi se završila obnova elektroenergetske mreže u povratničkim mjestima.

**Mirko Batinić** zatražio je od Federalnog ministarstva finansija da mu dostavi izvještaj u analitičkom obliku u pisanoj formi o tome ko, kada i pod kojim uvjetima je podizao i zaduživao kredite, odnosno Bosnu i Hercegovinu, Federaciju i javna preduzeća, te koji je iznos koji dolazi na naplatu u 2014. i 2015. godini.

**Enes Salkanović** je ponovo pokrenuo inicijativu za formiranjem općinskog suda u Odžaku. Postavio je pitanje Federalnom ministarstvu finansija kada će u parlamentarnu proceduru biti upućen zakon o pripadnosti javnih prihoda.

**Esad Bašagić** uputio je pitanje Javnom preduzeću Ceste Federacije Bosne i Hercegovine a odnosi se na to da li je, u kojem iznosu i u koje putne pravce planirano ulaganje u Unsko-sanskom kantonu u 2014. godini.

Predsjedavajući Doma naroda Tomislav Martinović pozvao je Vladu Federacije da poštuje odredbe Poslovnika o radu Doma naroda i da na svako delegatsko pitanje da pisani ili usmeni odgovor.

Nakon delegatskih pitanja i pokrenutih inicijativa prešlo se na utvrđivanje dnevnog reda.

Predsjedavajući je podsjetio delegate na poslovničku odredbu u kojoj je predviđeno da Dom naroda, po pravilu, razmatra zakone i druge akte nakon njihovog razmatranja u Predstavničkom domu i, u ime Kolegija Doma naroda, predložio da se na dnevnom redu 20. sjednice Doma naroda

razmatraju samo one tačke koje su usvojene na 26. sjednici Predstavničkog doma od 17.12.2013. godine.

U raspravi o ovom prijedlogu Kolegija Doma naroda učestvovali su: Jasenko Tufekčić, Tomislav Martinović, Drago Puzigaća, Zoran Jovanović, Aner Žuljević, Zijat Mušić i Hajrudin Bećirović, koji je predložio da se tačka - Statut Regulatorne komisije za energiju u Federaciji Bosne i Hercegovine zove Davanje saglasnosti na Statut Regulatorne komisije za energiju u Federaciji Bosne i Hercegovine - što su delegati i prihvatili.

Predsjedavajući je obavijestio delegate da je Vlada Federacije dostavila Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa sa prijedlogom da se razmatra po hitnom postupku.

Sa 30 glasova za, uz šest uzdržanih glasova i uz tri glasa protiv, Dom naroda Parlamenta Federacije Bosne i Hercegovine prihvatio je da se Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa razmatra po hitnom postupku.

Potom je predsjedavajući stavio na glasanje prijedlog da se Prijedlog Zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim a neuplaćenim javnim prihodima u periodu od 2009. do 2015. godine razmatra po hitnom postupku, što su delegati Doma naroda, sa 32 glasa za, uz tri uzdržana glasa i uz dva glasa protiv, prihvatili.

Nakon toga predsjedavajući je stavio na glasanje i konstatovao da je Dom naroda Parlamenta Federacije Bosne i Hercegovine, sa 32 glasa za, uz tri uzdržana glasa i uz tri glasa protiv, usvojio sljedeći:

## **D N E V N I R E D**

1. Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa – hitni postupak,
2. Prijedlog Zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim a neuplaćenim javnim prihodima u periodu od 2009. do 2015. godine - hitni postupak,
3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Erste Bank der Oesterreichischen Sparkassen AG za realizaciju Projekta nabavka medicinske opreme za zdravstvene ustanove u Unsko-sanskom kantonu,
  - Sporazum o zajmu između Bosne i Hercegovine, zastupane od Ministarstva finansija i trezora Bosne i Hercegovine (u daljnjem tekstu: zajmoprimac) i Erste Bank der Oesterreichischen Sparkassen AG (u daljnjem tekstu: zajmodavalac) za Projekt „Nabavka medicinske opreme za zdravstvene ustanove u Unsko-sanskom kantonu“,
  - Supsidijarni sporazum (Projekt vezan uz vodovod i otpadne vode u Sarajevu) između Bosne i Hercegovine zastupane od Ministarstva finansija i trezora Bosne i Hercegovine i Federacije Bosne i

- Hercegovine zastupane od Federalnog ministarstva finansija radi finansiranja Projekta „Nabavka medicinske opreme za zdravstvene ustanove u Unsko-sanskom kantonu“, a na osnovu Sporazuma o zajmu između Bosne i Hercegovine zastupane od Ministarstva finansija i trezora Bosne i Hercegovine i Erste Bank der Oesterreichischen Sparkassen AG koju je prihvatila Vlada Federacije Bosne i Hercegovine,
- Informacija o zajmu Erste Bank der Oesterreichischen Sparkassen AG za „Nabavku medicinske opreme za zdravstvene ustanove u Unsko-sanskom kantonu“,
4. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Vodovod i kanalizacija Sarajevo“,
    - Ugovor o zajmu (Projekt vezan uz vodovod i otpadne vode u Sarajevu) između Bosne i Hercegovine i Evropske banke za obnovu i razvoj (EBRD);
    - Ugovor o podršci Projekta (Projekt Vodovod i kanalizacija Sarajevo) između Federacije Bosne i Hercegovine i Kantona Sarajevo i Evropske banke za obnovu i razvoj (EBRD),
    - Projektni ugovor (Projekt Vodovod i kanalizacija Sarajevo) između Vodovod i kanalizacija d.o.o. Sarajevo i Evropske banke za obnovu i razvoj,
    - Supsidijarni ugovor (Projekt vezan uz vodovod i otpadne vode u Sarajevu) između Bosne i Hercegovine i Federacije Bosne i Hercegovine,
      - Zapisinik sa pregovora i Informacija o zaduženju kod Evropske banke za obnovu i razvoj (EBRD) za realizaciju Projekta „Vodovod i kanalizacija u Sarajevu“,
  5. Prijedlog Odluke o davanju saglasnosti na Statut Regulatorne komisije za energiju u Federaciji Bosne i Hercegovine,
  6. Izbor i imenovanja.

1. **Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa – hitni postupak**

Prijedlog Zakona utvrdila je Vlada Federacije.

Predstavnički dom je na 26. sjednici, odžanoj 17.12.2013. godine, usvojio Prijedlog Zakona sa tri amandmana koje Vlada Federacije nije prihvatila ali ih je Predstavnički dom izglasao.

Amandmani glase:

**Amandman I**

U članu 1. koji se odnosi na član 18. u stavu 1. nakon riječi: „svakom osiguraniku“ dodati riječi: „u elektronskoj formi na adresu poslodavca“.

Stav 3. se briše i dodaje novi:

„Poslodavac je obavezan upoznati i dostaviti dokument uposleniku.“

**Amandman II**

U članu 1. stav 2. mijenja se i glasi:

„Uvjerenje iz stava 1. ovog člana dostavlja se najkasnije 60 dana od dana podnošenja zahtjeva za izdavanje uvjerenja.“

**Amandman III**

Čl. 2. i 3. se brišu, a član 4. postaje član 2.

Na Prijedlog Zakona jedan amandman podnio je Klub delegata hrvatskog naroda koji je odnosi na član 1. Prijedloga Zakona.

Prijedlog Zakona razmatrala su nadležna radna tijela i dostavila izvještaje.

Prijedlog Zakona obrazložio je Ante Krajina, federalni ministar finansija.

Drago Puzigaća zatražio je od predsjedavajućeg Doma naroda da da pauzu jer je smatrao da nema kvoruma za rad nakon čega je predsjedavajući zatražio od sekretara Doma naroda Izmira Hadžićevića da izvrši prozivku delegata i utvrdi da li postoji kvorum. Sekretar Doma naroda je izvršio poimeničnu prozivku delegata i konstatovao da sjednici prisustvuje 31 delegat što čini kvorum.

U raspravi je učestvovao Luka Faletar.

Nakon rasprave, federalni ministar finansija Ante Krajina je izjavio da Vlada Federacije ne prihvata amandman koji je na Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa podnio Klub delegata hrvatskog naroda.

Potom je predsjedavajući stavio na glasanje amandmane koji su usvojeni u Predstavničkom domu.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio amandman I. Predstavničkog doma jer je za glasalo 18 delegata a 19 delegata je bilo uzdržano.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio amandman II. Predstavničkog doma jer je za glasao 21 delegat a 15 delegata je bilo uzdržano.

Na osnovu rezultata glasanja, predsjedavajući je konstatovao da Dom naroda Parlamenta Federacije Bosne i Hercegovine nije usvojio amandman III. Predstavničkog doma jer je za glasao 21 delegat, 14 delegata je bilo uzdržano a dva delegata su bila protiv.

Zatim je predsjedavajući stavio na glasanje Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa i konstatovao da Dom naroda Parlamenta Federacije Bosne i Hercegovine nije usvojio Prijedlog Zakona o izmjenama i dopunama Zakona o jedinstvenom sistemu registracije, kontrole i naplate doprinosa, jer je za glasalo 25 delegata, 12 delegata je bilo uzdržano a dva delegata su bila protiv.

**2. Prijedlog Zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim a neplaćenim javnim prihodima u periodu od 2009. do 2015. godine - hitni postupak**

Prijedlog Zakona utvrdila je Vlada Federacije.

Predstavnički dom je na 26. sjednici, odžanoj 17.12.2013. godine, usvojio Prijedlog Zakona u tekstu kako ga je predložila Vlada Federacije.

Prijedlog Zakona razmatrala su nadležna radna tijela i dostavila izvještaje.

Prijedlog Zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim a neplaćenim javnim prihodima u periodu od 2009. do 2015. godine obrazložila je Azra Slijepčević, predstavnica Federalnog ministarstva energije, rudarstva i industrije.

U raspravi su učestvovali: Hajrudin Bećirović, Ivo Divković, Josip Perić, Zoran Jovanović i Aner Žuljević.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 33 glasa za, uz sedam uzdržanih glasova i uz 10 glasova protiv, usvojio Prijedlog Zakona o izmjenama Zakona o finansijskoj konsolidaciji rudnika uglja u Federaciji Bosne i Hercegovine prema obračunatim a neplaćenim javnim prihodima u periodu od 2009. do 2015. godine.

**3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Erste Bank der Oesterreichischen Sparkassen AG za realizaciju Projekta nabavka medicinske opreme za zdravstvene ustanove u Unsko-sanskom kantonu**

Prijedlog Odluke utvrdila je Vlada Federacije i dostavila Parlamentu Federacije radi razmatranja i usvajanja. Uz Odluku su radi razmatranja dostavljeni i pripadajući materijali.

Prijedlog Odluke razmatrala su nadležna radna tijela i dostavila izvještaje.

Prijedlog Odluke o prihvatanju zaduženja po Sporazumu o zajmu između Bosne i Hercegovine i Erste Bank der Oesterreichischen Sparkassen AG za realizaciju Projekta nabavka medicinske opreme za zdravstvene ustanove u Unsko-sanskom kantonu obrazložio je federalni ministar finansija Ante Krajina.

U raspravi su učestvovale Mira Ljubijankić, predsjednica Kluba delegata srpskog naroda, i Vesna Nemeć-Klisura.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 35 glasova za, uz dva uzdržana glasa i uz jedan glas protiv, donio Odluku o prihvatanju zaduženja po Sporazumu o zajmu između Bosne i Hercegovine i Erste

Bank der Oesterreichischen Sparkassen AG za realizaciju Projekta nabavka medicinske opreme za zdravstvene ustanove u Unsko-sanskom kantonu.

#### **4. Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Vodovod i kanalizacija Sarajevo“**

Prijedlog Odluke utvrdila je Vlada Federacije i dostavila Parlamentu Federacije radi razmatranja i usvajanja. Uz Odluku su radi razmatranja dostavljeni i pripadajući materijali.

Prijedlog Odluke razmatrala su nadležna radna tijela i dostavila izvještaje.

Prijedlog Odluke o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Vodovod i kanalizacija Sarajevo“ obrazložio je federalni ministar finansija Ante Krajina.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz pet uzdržanih glasova, donio Odluku o prihvatanju zaduženja po Ugovoru o zajmu između Bosne i Hercegovine i Evropske banke za obnovu i razvoj (EBRD) za realizaciju Projekta „Vodovod i kanalizacija Sarajevo“.

#### **5. Prijedlog Odluke o davanju saglasnosti na Statut Regulatorne komisije za energiju u Federaciji Bosne i Hercegovine**

Statut Regulatorne komisije za energiju u Federaciji Bosne i Hercegovine usvojila je Regulatorna komisija za energiju u Federaciji Bosne i Hercegovine i dostavila Parlamentu Federacije radi razmatranja i davanja saglasnosti.

Statut su razmatrala nadležna radna tijela i dostavila izvještaje.

Statut Regulatorne komisije za energiju u Federaciji Bosne i Hercegovine obrazložila je Đulizara Hadžimustafić, članica Regulatorne komisije za energiju u Federaciji Bosne i Hercegovine.

U raspravi nije niko učestvovao.

Na osnovu rezultata glasanja, predsjedavajući je konstatovao da je Dom naroda Parlamenta Federacije Bosne i Hercegovine, sa 36 glasova za, uz četiri uzdržana glasa i uz 10 glasova protiv, donio Odluku o davanju saglasnosti na Statut Regulatorne komisije za energiju u Federaciji Bosne i Hercegovine.

#### **6. Izbor i imenovanja**

- **Prijedlog Odluke o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije Bosne i Hercegovine**

Prijedlog Odluke utvrdila je Komisija za izbor i imenovanja Doma naroda.

U raspravi nije niko učestvovao.

Na osnovu rezultata glasanja predsjedavajući je konstatovao da je Dom naroda Parlamenta Federacije Bosne i Hercegovine, sa 37 glasova za i uz dva uzdržana glasa, donio Odluku o izmjeni Odluke o izboru predsjednika, zamjenika predsjednika i članova Administrativne komisije Doma naroda Parlamenta Federacije Bosne i Hercegovine kojom je u Administrativnu komisiju za predsjednika umjesto Radoja Vidovića, kojem je prestao mandat na lični zahtjev, izabran Tomislav Martinović.

Nakon toga su Mira Ljubijankić, u ime Kluba delegata srpskog naroda, i Jasenko Tufekčić, u ime Kluba delegata bošnjačkog naroda, čestitali nastupajuće božićne i novogodišnje praznike.

Predsjedavajući Doma naroda Tomislav Martinović je, također, čestitao božićne i novogodišnje praznike i zaključio rad 20. sjednice Doma naroda.

Sjednica je završena u 14.42.

Transkript sjednice čini sastavni dio Zapisnika.

SEKRETAR

Izmir Hadživdić

PREDSJEDAVAJUĆI

Tomislav Martinović